

سنگینا

نومرو ۸۰

پنجشنبه

۳۰ تشرین اول ۱۳۲۴

مسئولیت وکلا

حریت سیاسیہ نیک شرائط اساسیہ سندن بری قوہ اجرائیہ نیک مسئولیتی در قوہ اجرائیہ نیک محافظہ استقلالی اصول مشروطیتک قواعد اصلیہ سندن بولمقلہ برابر احکام موضوعہ قانونیہ نیک امر تطبیقہ مأمور اولان قوہ مذکورہ نیک کیف مالتفق حرکتہ دائرہ حق و صلاحیتی تجاوزہ تصدیقی ملحوظ بولنسنہ نظر آقیدہ مسئولیت ایله مقید بولنسی لزوم قطعیتی غیر قابل اعتراضدر. خصوصاکہ حکومتہ عاقد اولان افعال و اجرا آتک اک مهمملری موضوعات قانونیہ نیک دائرہ حکم و نفوذی خارجندہ بولمقلہ درلر مثلاً بر حربک نہ وقت و نہ شرائط داخلندہ اعلان و یا بر معاہدہ بہ درج ایدیلہ جک مواد و احکامک نہ صورتہ تدقیق و مذاکرہ اولنہ جفنگک اولدن تعیین تحدیدی برامر مستحیلدر .

کذلک بر مأمورک حائز اولسی اقتضا ایدن اوصاف نظامیہ نیک قانوناً تصریح و ایضاحی قابل اولمقلہ برابر اوصاف مذکورہ بہ دائر حق تمیز و انتخابک ہر حالہ قوہ اجرائیہ عاقدیتی ضروریات طبیعیہ دندر . الحاصل ایجابات زمین و زمانہ تابع اولوب قانونک تفتیش و مداخلہ سندن مصون و قوہ اجرائیہ نیک حزم و بصیرتنہ تماماً مودوع بولنان بویہ مهم مسائل عمومیہ حقندہ قوہ مذکورہ نیک اقتضای حال و طبیعت اولہرق حائز اولدینی صلاحیت واسعہ نیک سوء استعمالہ اوغراسی احتمالی پک قویدر .

ایشتہ قوہ اجرائیہ نیک بو چشید افعال و حرکات عرفیہ سی اوزرینہ قوہ تشریعیہ نیک قاعدہ مالک اولدینی حق تفتیشک تأثیرات فعلیہ سی اولسہ اولسہ قید مسئولیت تأمین ایدہ بیلور بو قید مادی قوہ مذکورہ بہ قارشی ناظم و معدل وظيفہ سی ایفا ایلر .

حکومات حاضرہ قوہ اجرائیہ ریڈی غیر مسئول عد ایدلمکله برابر حکومتجہ تعقیب اولنان سیاست داخلہ و خارجہ دن مسئول اولمق اوزرہ شعبات مختلفہ اداره دن ہر برینک باشندہ ایستدیکی کبی اجرای حرکتہ مأذون برر ناظر بولمقلہ در . ہئیات تشریعیہ حضورندہ ایراد اولنہ جق سوال و استدیحاحلرہ

افعال و اجرا آتلرندن طولانی اعطای جوابه و اقلیتده قانجه رأس حکومتدن چکامکه مجبور اولان بو ناظرلردر . اسویجره حکومتی بو خصوصده مستشارد حکومت مشترکه اصولک جاری اولدینی اسویجرهده حکومت متفقہ مجلسی اعضاسندن اولوب عینی زمانده برنظارت دخی اشغال ایلمان قوه اجراییه ریسنک مسئولیت شخصییه سی رهین جواز و قبول اولمشدر . اکثردهده مسئولیت ایله اعطای قرارحق قرالندن نزع و رفع و ناظرلره تحمیل و تودیع ایدمک صورتیه موضوع بحث اولان مسئله مهمه حل و تسویه قلمشدر . فی الواقع مسئولیت ایله حق قرار غیر قابل تفریق اولوب سربستی قرار موجود اولدقجه فکر مسئولیتک قبولی غیر جائزدر . حریت سیاسیة حاضره نك اسالاسی مثابه نده بولنان اشبو صورت تسویه حقنده و قتيله بحارستان اسوچ و فرانسهده بعض تشبثات ابتداییه اجرا اولمش ایسهده اك اول فعلاً قبول و تطبیق اولنان یر انکتره در الحاله هذه اصول مشروطیتک مرعی الاجرا اولدینی اقوامده ناظرلر محاکم عدلیه حضورنده قانونه موافق اولیمان افعالنندن و مجالس تشریعیه اوکنده دخی مملکتیه ایراث مضرت ایدن تهمتلی حرکاتندن مسئول و محاکمه معروضدرلر .

مسئولیت وکلا اوچ اساس اوزرینه مؤسسدر :

- (۱) رئیس حکومتک عدم مسئولیتی - رئیس حکومتک مسئولیت شخصییه سی موضوع بحث ایلمک اکثریا اختلالات داخلیه میدان آجق دیمک اولدینی مجربات تاریخیه دندر . ایشته بونک ایچوندرکه انکیلزرن من القدیم «قرال فناق ایشلیه مز» قاعده مطلقه سی وضع ایده رک اشبو قاعده دن ایکی نتیجه اساسیه استخراجیه موفق اولمشلردر . اولاً انکترهده قرال هیچ برمحکمه طرفندن قابل محاکمه دکلدر . معلم شهر بریسی «اگر قرالیه کندی ایله باش وکیلی قتل ایلر ایسه بوفعل جنایتکارانه سی محاکمه یه هیچ برمحکمه صلاحیتدار دکلدر .» دیور ایدی . ثانیاً هیچ برکیمسه برحرکت غیر مشروعه سی معذور کوسترمک ایچون قرالک برامر واقعی ایلرییه سوره مز . بویله برادعا حقوقاً تمامیه غیر واردو ناهمه و عذر .
- (۲) غیر مشروع وملت ایراث مضرت ایدن افعالن و یاخود اشبو افعاله

اشتراکدن طولانی ناظرلرک مسئولیتی - انکاترده اشبو قاعده، حقوق عادیه نك بر حکم لاتبغیری نظریله تلقی ایدلمکده در . «دیس» قانون حضورنده فکر مساوات و یاخود امرتدقیق محاکم عادیه به عائد اولان برحقه بالجله صنوف اهلینک تبعیت مجبورتی انکاترده پک چوق ترقی ایلمشدر . الک بسوک ناظره وارنجیه قدر هرکس قانونک مساعده بخش اولمدینی افعال و حرکاتدن عینی مسئولیتیه تابعدر . «دیور ایدی . مع مافیله و قتیله انکاترده خاکلر ناظرلری بیطرفانه محاکمه به جسارت ایده نمکده اولدقلرندن موضوع مقال اولان مسئولیتک اهمیتیک پک محدود بر درجهده قلمش ایدی . برحاله که اون دردنچی عصرده «Empeachment» نامی تختنده یکی بر اصول محاکمه نك احداثه احتیاج حس ایدلدی . اشبو اصول موجبنجه عوام قماره سنک طلب واقعی اوزرینه لوردلر قاره سی عادی برحکمه عدلیه صورتنده اجتماع ایدرهك ناظرلری بالحا که محکوم ایده بیلور ایدی . «تودور» لر زماننده بر مدت دوچار انحساف اولان اشبو اصول محاکمه «ستوارتزر» عهدنده یکیدن موقع تطبیقه وضع اولنه رق عوام قماره سنجه مهم بر سلاح مقامنده استعمال ایدلمش وانکاترده بوکون مرعی الاجرا اولان مسئولیت سیاسییه نك مابه الظهوری اولمشدر . ابتداده یالکزر مواد جزائییه حصر و تقید اولنش اولان اصول مبحونه موخرأ مملکتک علناً منافع حقیقیه سنه مغایر بر معاهده نك عقیدینه اشتراک کبی ملته مضر اولان بالجله افعال و حرکاته تشمیل ایدیلرهك ناظرلرک حق و عدالت و ناموس و استقامت دأره سنده تمشیت اموره اهتماملرینی تأمیننه برواسطه مؤثره اولمشیدی . شو قدر که حق عفو مالک اولان انکاتره قرالاری «Empeachment» دوچار اولمش اولان ناظرلری حمایه ایده کلکده اولدقلرندن «L'act of Settlement» نامنده کی قانون مخصوص وضع و تنظیم ایدیلرهك قرالارک حق عفو لری فسخ و ابطال ایدلمش و آفالفدکر اصول مسئولیتک مؤثریت فعلیه سی تمایله محافظه و ادامه قلنمشدر .

اشبو اصول هر برده شایان قبول کوریلوب قانون اساسیلره درج و علاوه اولنش ایسه ده مقاله آیه مزک موضوعی تشکیل ایده جک اولان پارلمنتو اصولنک

موقع اجرایه وضع اولدینی کوندنبری اهمیتدن سافط اولمش و بر عصر دنبری انجق برایکی دفعه تطبیق اولنه بیلمشدر . فی اوانع پارلمتو اصوله توفیقاً مجلس مبعوثان اعضاسی ایستدیکی وقت ناظرلری استعفايه اجبار ایده بیلدیکندن مجلس اعیان حضورنده اتمام و محاکمه لریخی استدعايه اصلاحات قلماشدی . تعمیر آخر ایله اصول مانعه اصول زجریه نك یرینه قائم اولمشدر . بزده هنوز پارلمتو اصولی وضع اولمیدن موضوع بحث اولان اصول محاکمه و مسئولیتك اهمیت عظیمه سی باقیدر .

(۳) رئیس حکومت عايد اولان كافه حقوقك نظار معرفتیه اجرایی- وقتیه انكلمتره: ارادات قرالیه حقوقاً حائز اهمیت اولان احوال و مسائلده ماهیت مجبوریه نی اكتساب ایده بیلیمك ایچون تحریری و معین بعض اشكال خارجییه موافق اولمقله مختلف برطاقم مهرلر ایله مختوم بولنق ایجاب ایدرایدی بالاخره اشبو مهرلك ناظرلره تودییی عرف و عادت اولدینی کبی آنلری استعمال ایدن نظارك تخیم ایلدکری اوراق و مصالحدن مسئولیت ایلملری دخی قاعده اتخاذ ایدمشدر . یواش یواش اشبو قاعده اهمیت حقوقیه نی حائز اولمیان بالجله احوال و مسائله دخی تعمیم ایدیلدی . الیوم قرالك دول اجنبیه ناظرلریله وقوعبولان ملاقاتلرنده خارجییه ناظرینك دخی حاضر بولنسی ایجاب ایلدیکی کبی احوال داخلیه و خارجییه صلاحیتدار اولان ناظرلك اشتراك و مداخله سی وئوعبولمدنجه خودبخود هیچ بر فعل و حرکتده بولنه من حتی مذاکراتی نفوذ معنویسیله خللدار ایتمامك مقصدینه ، بنی انشای مذاکرده لوردلر قماره سنده دخی حاضر بولنه من برینك توقیفنه امر ویره من قوه عسکریه نك رئیس عد ایدلمکله برابر ایکتنجی ژورژدنبری انشای حربده عساکره قوماند ایده مدی . الحاصل قرالك كافه حقوق حکمرانیسی رفع ایدیلهرک ناظرلرك اشتراك فلیسی و انضمام موافقتی اولمدنجه هیچ بر اراده قرالیه صادر اوله من . فرانسه ده دخی اشبو قاعده ۱۷۹۱ تاریخندنبری موقع اجراده اولوب ۱۸۷۵ قانون اساسیسی موجبینجه رئیس جمهوره عايد اولان افعال واجرا آتک آریمجه بر ناظر طرفندن دخی

امضا ایدلمسی شرائط اصلیه دن غد ایدلمکده در. مع مافیہ فرانسه ده اشبو قاعده نك دائرة تطبیقی انکلتزده اولدینی قدر واسع اولمبوب رئیس جمهورك یالکز شکل قانونی بی و اهمیت حتو قیہ بی حاز اولان افعال و حرکاتی شامل اولمقده در شوقدرکه پارلمتو اصولنجه دائرة مذکوره خارجده بولسان افعال و حرکاتدن معلوماتلری داخلنده اولانلردن دخی ناظرلرک هیئتات تشریمیه اوکنده مسئولیتلری رهین قبول اولمشدر.

ایضاحات آنه دن مستبان اولدینی وجهله مسئولیت وکلا، مسئولیت سیاسیه، مسئولیت جزایی و مسئولیت مدنیه دن عبارت اولمق اوزره اوج درلودر.

(۱) مسئولیت سیاسیه — پارلمتو اصولنك اس اساسی اولوب حکومتك سیاست عمومیه سندن متسللاً و نظارتلرینه متعلق افعال واجرا آدن منفرداً ناظرلرک مجالس تشریمیه اوکنده مسئول بولمسنندن عبارتدر. اشبو مسئولیت علی العاده سؤال «question» و استیضاح «interpellation» صورتلریله موضوع بحث اولمقده در. مجالس تشریمیه اعضاسندن هربری شفهاً ناظرلره بر مسئله ده دائر ایراد سؤال ایلمک حقنه مالکدر. اولدن خبردار ایدلمسی قاعده دن بولان ناظر سؤال واقعه ایستر ایسه همان جواب اعطا ایدر ایستر ایسه جواب وقت آخره تعلیق و یا خود اسیباب سکوئی ایضاح ایلمک شرطیله بستیون اعطای جوابدن امتناع ایلر. سوآلی ایراد ایدن اعضا ایسه ناظر طرفدن ویریلدك ایضاحاته مقابلهً جواب ویره یلدیکی کبی قاینه نك مسئولیت سیاسیه سنی جدأ اورته یه قویق ارزو ایلدیکی تقدیرده سوآلی استیضاحه تحویل ایلر. استیضاح متعلق اولدینی ماده بی صورت ملخصده محتوی بر سؤال تحریریدرکه قاعدهً هیئت تشریمیه مقام ریاسته تقدیم اولنور اگر هیئت مذکوره مسئله نك مذاکره سنی ترویج ایدر ایسه استیضاح واقعی جدول مذاکره ادخال ایدر (ordre du jour) استیضاح و ترویج ایدلمدیکی تقدیرده ساده جه قید و تثبیت اولنور فقط حقنده مذاکره یه کیریشلمز (ordre du jour pur et simple) موقع تذکره وضع اولنسه حق استیضاح قاینه نك و یا ناظرلردن برینك سیاست و حرکتی حقنده بیان تقدیری

و یا مؤاخذہ فی مستلزم بر مادہ مهمہ بہ تعاق استدیکی خالدہ ایسہ بو استیضاح « اسباب موجبہ در میانہ » داخل فہرست مذاکرات اولور . پارلمنتو اصولنک جاری اولدینی برلردہ مؤاخذہ اولنان قایمہ یا ناظر و ہیئت انٹریمیمہ نک امنیتی حائز اولوب اولمدینی اکلامق ایچون ہیئت مذکورہ نک رأینہ مراجعت ایدر و شاید اقلیتندہ قاور ایسہ همان چکلمککہ مجبور اولور .

(۲) مسئولیت جزائیہ — ناظر لر ایضای وظیفہ انسانندہ ارتکاب ایلیہ جکاری جرأمدن طولانی مسئولدرلر . مجلس مبعوثان طرفندن آہام اولنوب محاکمہ لری مجلس اعیان حضورندہ اجرا ایدیلور . فرانسدہ ۱۸۷۵ قانون اساسیمی بوقاعدہ فی وضع ایتمککہ برابر جرأنک جلس ونوعی تصریح ایلمدیکی کی ترتیب ایدیلہ جک جزا ایلہ تعقیب اولنہ جق اصول محاکمہ فی دخی تعیین ایتمامشدر . ہر حالہ مذکور قانون اساسینک مراد ایلدیکی جرأثم جرأثم سیاسیہ اولوب جرأثم سائرہ نک مرجع رؤیتی محاکم عادیہ اولہ جفی بتون ارباب حقوق نزدندہ متفق علیہدر .

(۳) مسئولیت مدنیہ — حین ایضای وظیفہ ندہ ناظر لرنک اتحاد ناسہ ایراث ایلدکاری ضرر وزیانک تضمینندن عبارتدر . بوبادہ فرانسدہ صلاحیتدار اولان محکمہ ایلہ تعقیب اولنہ جق اصول محاکمہ فی تعیین ایدہ جک ہیج بر حکم قانونی موجود اولمامغلہ بوجہندن ناظر لرنک علیہ وقوعبولہ جق تعقیباتک محاکم عادیہ حضورندہ اجراسی تجویز ونسبب اولنمقدہدر . سوختہ زادہ احمد

بلغارلرنک احوال مدنیہ حاضرہ ی

۱

(صباح) غزہ سنہ احمد راسم بک طرفندن صوفیہ دن کوندریلان محررات و علی الخصوص حکیم و محرر مقتدرک احتسابات و تلقیناتی نظار دقت و تیقنمی جلب ایلدی . صوفیہ ندہ اجرا ایدیلان نمایشلری و نمایشجیلرنک احوال مدنیہ ، ماہیت طبیعیہ و تشکیلیہ لرینی اولیلہ انتخاب اولنمش کلمہ لرلہ تعریف و توصیف